

KPA y DBA hunto a cobra 15 miyon florin na overtime den dos aña

ORANJESTAD (AAN) -- Minister Presidente no a keda sin trece dilanti, den conferencia semanal di prensa ayera, e tema "overtime di polis" y un remarca cu el a haci, riba un declaracion di Alto Mando mr. Bernadina. Prome Minister a aclarea cu no ta trata di overtime di polis so, pero di henter e gobernacion, y el a muestra un rapport di Central Accountingsdienst, di cual el a lesa cifranan pa asina pueblo compronde e dimension di e problema. E rapport en cuestion a worde traha y entrega na Gobierno dia 14 di augustus di aña 2002, y den dje ta señala cu den gobierno en general tin maluso di overtime, entre otro door di Cuerpo Policial. Cifranan cu Minister Presidente a menciona ta indica cu na aña 2000 polis a cobra na overtime so, e suma di 6.194.405,= florin y na aña 2001 e suma di 6.833.721,= florin, loke ta un total di 11.149.472 florin paga na overtime den dos aña! E mandatario a sigui bisa, den e rapport tin conseho ta worde duna pa gobierno tuma e pasonan necesario, pasobra tin hopi cos incorrecto cu a tuma lugar pa loke ta trata henter e control, no den KPA so, pero den gobierno en general. Gobierno di Aruba en general, a paga na aña 2001 un total di 13.584.150,= florin, di cual suma polis ta absorbe 65 por ciento. "Bo por imagina un pais chiquito manera nos, paga casi 13.6 miyon na overtime, pa aña?, di cual polis tin di 60

pa 65 por ciento di dje! A base di esey den Consejo di Minister nos a acerca tur colega pa cada minister wak den su ministerio kico por worde haci, pa nos reduci overtime. Ora bo ta dirigi un gobierno, of un Cuerpo, bo mester tin e capacidad pa opera cu e hendenan cu bo tin y duna pueblo e servicio", Minister Presidente a subraya. E mandatario a expresa cu e ta lamenta profundamente di a scucha Hefe di polis bisa cu lo no bay cuida e pasaheronan di bapor turistico mas, y cu lo bay stop cierto trabao, envez di opera cu e recursonan humano cu e tin. "Unda polis su prioridad ta, en cooperacion cu e maneho di gobierno pa combati criminalidad", e mandatario a cuestiona. El a sigui splica cu gobierno anterior a ripara cu mester di ayudo pa polis y KPA a bay di acuerdo pa gobierno anterior lanta D.B.A. E mandatario a menciona cu na aña 2000 D.B.A a cobra na

overtime e suma di 481.372,= florin, y na 2001 e suma di 925.156,= florin, loke den dos aña ta duna un total di 1.406.522,= florin. Esaki ta nifica cu na KPA y DBA hunto a worde paga como 15 miyon florin na overtime. "Ban para un rato keto sin emocion. Lo nos ta irresponsable pa cu pueblo pa soluciona 15 por ciento di lo cual ta sosode riba e pida baranca aki, si no yega e momento pa nos tur wak na un manera critico", e mandatario a expresa. Prome Minister a sigui bisa cu si gobierno mira cuanto Cuerpo Policial ta coste na overtime y na salario cu 412 polis, mescos D.B.A cu 144 hende, Warda Nos Costa, cuanto gobierno ta hinca den Guardacosta y den Seguridad Nacional, y cuanto hende tin disponible den e Cuerponan aki, ta bal un discusion sano den nos comunidad riba con gobierno ta cambia su politica cu e medionan cu tin, y con cambia e sistema di tra-

bao pa cu menos placa haci'e mas eficiente. Premier Oduber a pone enfasis riba e hecho cu ningun ministerio lo stop overtime completamente pasobra e lo keda existi, y cu polis lo keda traha overtime esey ta sigur, y no tin ningun gobernante pa stop esaki si mester. Minister Presidente a bisa cu pa 7 miyon florin por nombra 150 hende mas den KPA, si acaso esey ta e discusion. Prome Minister a remarca cu


ora Minister di Husticia bin for di exterior e ta bay pidi'e pa defini kico ta e trabao di polis exactamente, y pa kita di polis loke no ta tarea di Cuerpo Policial, pasobra polis tey pa mantencion di orden publico, y pa proteha propiedad y bida di nos ciudadanonan. E mandatario a reitera cu e sumanan paga na overtime di polis ta desproporcional y den esey mester para keto un rato pa busca un solucion.

Pareha ta core den auto y menasa hende cu arma

ORANJESTAD (AAN): Ta parece cu cierto habitante ta bibando den un estilo di Wild Wild West riba e baranca aki. Cada vez ta den noticia cu persona(nan) desconoci ta saca arma y menaza cune, otro ta basha bala. Recien den oranan di madrugada, un guardia di seguridad a reporta na Polis cu el a worde menaza. Parece cu un pareha den un

vehiculo a pasa den Steenweg (Vietnam) y menaza cu arma di candela. Segun e version Policial; e guardia a reconoce ambos persona den e vehiculo. Fuera e guardia atento a capta e number di auto. Mientras tanto denuncia oficial lo a worde entrega na despacho di Recherche cu lo bay actua relaciona cu e sucedido.

TUR COS CU TA ARUBIANO TIN FUCO!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL
Tel: 5827050
(Pariba di Aruba Bank, Paradera)

BEST SHOPPING DEAL
Turibana Plaza
Tel: 5865455

Wood
Clipboard
Wood
Clipboard
Afl. 3,95